

titur, cui interea dum advolvitur funis ponderi trahendo, vel atollendo adnexus, pondus ipsum pronovetur in singulis revolutionibus, quanta est cylindri circumferentia; vis autem vectibus illis applicat movetur per tota circuli circumferentiam, cujus radius est ipsa vectis longitudo. Alteram tandem subjungimus machinam, *trochlea* scilicet, quæ si fixæ fuerint, vim non augent; at si ita fuerint conjunctæ, ut aliae sint immobiles, mobiles aliae, jam vis in immensum augeri posset. Nam enim manus removetur à proxima trochlea, tantum ipsa movetur, quantum funis educitur, et tantumdem contrahitur summa funis omnium à trochlea ad trochleam aliam tendentium, ideoque singula funis intervalla, quæ tot sunt, quot trochleæ, eo minus contrahantur, quo major est trochlearum numerus, et eo minus trochleæ mobiles ad immotas accedunt, ideoque pondus eo minore spacio promovetur. Præcedentes machinas nulla subjecta figura explicavimus; nemo enim est, qui machinas illas oculis frequenter non usurpaverit, visu autem multo facilius, quam auditu percipiuntur.

Nunc vero breviter explicandum, quid valent machinæ, seu quanta utilitate adhiberi possint. Demonstratum est, in casu æquilibrii esse $M \cdot V = m \cdot v$, ubi M , m denotant pondera qualibet, V , v , velocitates. Jam vero si spatia dicantur S ,

$$\begin{array}{c} s \\ s, \text{ tempora } T, t; \text{ erit } V = \frac{s}{T}, v = \frac{s}{t} \end{array}$$

ideoque $\frac{s}{T} = \frac{s}{t}$, $\frac{s}{T} = MS$, cum in
 $t \quad T$
machinarum actions tempora sint æqualia. Eo ita-

que reducitur machinæ cuiuslibet actio, ut potentia m , quæ tempore unius horæ ex. gr. describere potest spatium s , pondus M per spatium S sublevare valeat. His positis, si in exhibeat pondus exiguum, M vero massa valde magnam: evidens est, producto $m \cdot s$ repræsentare non posse momentum valde magnum, nisi spatium S eo minus sit respectu esse, quo majus est pondus M respectu potentiae m : quarè si s repræsentet spatium valde magnum, oportet, ut tempus in eadē ratione maior sit; cum necessario determinatum sit spatium dato aliquo tempore unius horæ percurrendum. Hinc ergo colligitur, in machina qualibet etiam perfectissima compendium virium necessario conjunctum esse cum temporis, et spatii dispendio: quarè minime credendum est in peritis, ut non raro contingit, hominibus, qui ingentia pondera brevissimo tempore ad magnam altitudinem attellere pollicentur.

III. In æstimandis viribus ipsa virium directione considerari omnino debet. Sit (fig. 8.) C in centro KL centrum motus, sintque A. et B vires due quæ agant secundum directiones KA, et LB. Ex centro motus ducantur CM, CN perpendicularares ad directiones virium in M et N; ponatur CM minor, quam CN, et ex centro C intervallo CN describatur circulus NHD rectæ KA occurrentis in D. Vis absoluta A repræsentetur per DA; hæc resolvi debet in vim DG secundum directionem CD, et in vim DF perpendiculararem ad CD, completo scilicet parallelogrammo AFDG. Jam vis DG, agens secundum directionem CD à centro scilicet circuli, vel rotæ DHN versus circumferentiam, nihil valet ad convertendam rotan, circa C: sola vis DF, quam relativam appellant, hunc effectum

producere potest; ac proinde vis absoluta est ad vim relativam, ut DA ad DF. Præterea vis B tendens ad partem contrariam considerari potest applicata in N, vel L; vis enim eadem manet, in quocamque directionis suæ punto constituantur; pondera enim eadem manent in variis à terra distantias, ac proinde et vires, quæ ponderibus æquivalent. Jam si vis B æqualis ponatur vi respectiva DF, erunt conatus æquales, et oppositi, ac proinde in æquilibrio ob distantias CD, et CN æquales, erit ergo in casu æquilibrii vis relativa per DF ad vim absolutam per DA, ut DF ad DA, ut B ad A; atque ob triangula AFD, DMC similia, erit B: A = DF: DA = CM: CD = CM: CN. Hanc ergo generalem demonstrabimus pro qualibet virium directione æquilibrii legem; nempè vires esse in ratione reciproca perpendicularium, quæ ex centro motus ad respectivas virium directiones ducuntur.

IV. Ad demonstrandam æquilibrii legem virgam inflexibilem, gravitate, et inertia carentem, qualis nulla existit in rerum natura, singunt Physici. Igitur in æstimandis ponderibus, gravitatis ratio habenda est. Id vero statera Romanæ exemplo declarare non abs re erit. In hac machina considerentur brachia duo inæqualia, quorum nota sint pondera; jam brachiorum pondera in suo gravitatis centro respective collecta fangi possunt, ac proinde momentum brachii utriusque erit, ut productum expondere in distantiam centri gravitatis à punto suspensionis respective, eritque momentorum differentia excessus ponderis, qui proinde auferri debet, ut justum pondus habeatur. Quia vero brachia sunt homogena, centrum gravitatis in brachiorum medio constitutum est;

sunt autem tota inter se, ut medietates; quare pondus uniuscujusque brachii doceatur in suam à centro suspensionis distantiam; momentorum differentia erit ipsum pondus subtrahendum. Ex his patet stateram Romanam ob brachiorum inæqualitatem minus accuratam exhibere ponderis mensuram; fraus autem maximè crescere potest, si brachia non fuerint homogena. Hinc staterum vulgarem ob brachia æqualia in commercii usu adhibere præstat; si autem statera illa fraude aliqua peccaverit, facile detegitur dolus permutatis ponderibus; ex demonstratis enim facilè intelligitur, nullum in statera dolam latere, si in utroque casu maneat ponderum æqualitas. At statera Romana ad examen revccari non potest, quod quidem machinæ hujus vitium est maximum.

V. In omnibus machinis aliud est incommodum omnino inevitabile, mutuus nempè partium attritus. Nulla enim machina moveri potest, nisi partes aliae super alias incident, atque labantur. Nulla autem est superficies etiam eximie levigata, quæ plurimis non emineat asperitatibus, et, ut ita dicam, monticulis, quod quidem demonstrant observationes microscopice. Illæ vero asperitates sine resistantia, sine difficultate aliqua superari non possunt. Igitur quæ hactenus demonstravimus de machinarum viribus, dicta volumus dampxat in hypothesi, quod omnia absent impedimenta; quæ profecto efficiunt, ut ad movendum pondus major potentia requiratur, quam quæ ex precedenti doctrina definitur. At quo magis impedimenta de medio tolles, eo propriis experimenta ad demonstrationes physicas accedent.

Resistentiam ex ¹⁰⁰ mutuo partium attritu oriun-

dam variis experimentis estimare tentarunt diligentissimi Physici, sed irrito, ut nobis videtur, conatu. Alii resistantiam illam ex ipsa superficierum magnitudine computandam esse existimarent, alii ex corporum pondere, alii tandem ex ipsa velocitate, at mihi facilè persuadeo, ex his tribus conditionibus pendere mutuum partium attritum. Et quidem quo major est superficies, eo plures occurront superandæ asperitates. Præterea quo majus est corporis pondus, eo altius corporis unius asperitates alterius corporis cavitatibus inferuntur. Tandem quo major est velocitas, eo plura dato aliquo tempore superanda occurront impedimenta. At præter conditions illas maxime etiam considerari debet ipsa superficierum natura, prominentia scilicet partium asperitas, numerus, textura, duricies, aliæque plurimæ qualitates nullo experimento satis accurate definiendæ, atque hinc sit, ut varia experimenta varias praebant resistantiarum mensuras. Tandem in estimanda resistantia considerari etiam debet vectis longitudo, quam tamen prætermittere solent plerique Physici perperam quidem: etenim motus partium attritus corporis motum destruit, ac retardat, non secus ac faceret potentia, quæ ad partes, directioni motus contrarias, ageret, ac proinde ad estimandam resistantiam satis non est resistantia absolute rationem habere, sed vectis longitudo attendi etiam debet. Exemplo sit trochlea circa axem mobilis, cuius ope pondera attollit solent; resistantia ex mutuo partium attritu oriunda est mutuus axis trochlearum, et cavitatem, quis ingreditur, attritus; quare resistantia illa eo breviori vectis brachio applicator respectu potentia trochleam moventis, quo minor est axis diameter

respectu diametri trochlearum; atque hinc sit, ut multo minor sit trochlea circa axem mobilis resistantia. Inde etiam intelligitur trochlearum, rotarumque majorum commoditas, et ex iisdem principiis pendet vulgaris usus, quo nempe ad retardandum rapidiorem currus descensum susflaminari solent rotæ: etenim resistantia ex partium attritu oriunda rotæ: circumferentiæ in hoc casu applicatur, secus autem ipsius axis peripheriæ. Ex haec tenus explicatis derivari possunt in datis casibus utilissima sane artificia ad minuendam mutuo attritos resistantiam; sed rem fusius persequi non est hujus loci.

VII. Ex centri gravitatis doctrina non solum pendent machinarum vires, sed alia quoque phænomena plurima, quorum pauca proponere satis erit. Si ex centro gravitatis corporis alicius ducta intelligatur recta ad horizontem perpendicularis, hæc vocabitur *linea directionis*. Porro linea illa vel cadit intra basim, vel extra ipsam occurrit: quare cum in ipso gravitatis centro totum corporis pondus locatum fangi possit, patet, in primo casu nullum esse ruinæ periculum, si nempe linea directionis intra basim cadat, sustinetur enim corpus; contra autem linea directionis extra basim excurrente corpus labi, et præceps ruere necessum est, nisi ipsa obstaret partium tenacitas. Mirum ergo non est, quod turres Pisana, et Bononiensis, licet maximè inclinatae, firmæ tamen, et stabiles consistant. Hinc naturali quadam mechanica corpos retrorsus inflectunt imperiti quoque homines, si per locum declivem descendant; contra autem si ascendant, corpus antrorsum incurvant, ut nempe linea directionis in basim retrahatur. Hinc homines ambulantes singulo passu à dextera

ad sinistram, et viceversa corpus convertant. Hinc homines pingues et obesi sicutum rectum affectare solent. Eadem de causa bajuli, qui pondus alterutra manu gestant, manum alteram in partem oppositam extendunt. Tandem eodem artificio funambuli sese in omnes partes pro necessitate conforquent, et longiori pertica utantur, quam hinc et inde versant maxima industria, at linea directionis extra angustissimum funem non excurrat.

VII. Centrigavitatis inveniendi ratione formula algebraica exhibere sculent Geometræ; nobis vero, qui rerum facilitatis maximè studemus, centrum gravitatis in corpore quoquamque mechanice invenire satis erit. Corpus aliquod filo suspendatur, volveretur, converteturque corpus illud, donec filum ad terræ superficiem perpendiculariter dirigatur, centrum gravitatis erit in hac perpendiculari; nempe in linea directionis, quod quidem evidens est ex gravitatis directione et ex ipsa centri gravitatis natura. Jam attramento, vel colore aliquo facile conspicuo in ipsa corpori superficie nctetur linea, quam perpendiculari filum fecerit; rursus ex alio punto suspendatur corpus, invertaturque corporis situs, et pari modo linea perpendiculari signetur, communis duarum linearum intersectioni imminabit centrum gravitatis, et ipsis si corpus ex hoc puncto suspendatur, immotum manebit. Rés eadem facilios præstari potest adhibita tabula horizontali probe levigata, promovetatur nempe corpus, quantum fieri potest versus marginem tabule, ita ut tamen non cadat, notetur in ipsa corporis superficie linea, qua est communis intersectio superficie, et tabule; deinde iterum invertatur corporis situs, promoveturque, ut ante, habeantur communes intersec-

tiones duæ, nempe secundum longitudinem, et latitudinem, quarum communis intersectioni infra ipsum corpus subjacebit centrum gravitatis. Centrum evidens est, in corporibus homogeneis, quæ in partes æquales, et similes dividì possunt, centrum gravitatis idem esse cum puncto corporis medio, quod centrum figuræ, vel magnitudinis solet appellari.

Dato gravitatis centro in quolibet corporum numero commune gravitatis centrum omnium ex antea demonstratis facile invenitur. Si bina fuerint corpora quæcumque, centrum commune gravitatis erit in recta jungente otrumque gravitatis centrum; in medio si fuerint aequalia; si vero inæqualia, ita proprius erit centrum commune gravitatis massæ majoris centro, ut distantiæ sint ipsius massis reciprocæ proportionales, ex demonstratis. Si corpora sint tria, conjuncto gravitatis centro communis binorum corporum cum centro tertii, divisaque recta jungente in ratione reciproca massæ minoris ad summam massarum, punctum hoc modo inventum erit centrum commune quæsum. Eadem ratione progredi licet ad massas quæcumque. Hæc autem omnia facile deducuntur ex demonstratioñ equilibrii principio, si nempe consideretur corporis pondus tamquam coactum in centro gravitatis, atque eadem ratione evidens est centrum gravitatis esse unicum. Fingamus enim, aliud esse punctum. Jam quia totum corporis pondus in centro gravitatis adunatum fingi potest, corpus suspensum extra gravitatis centrum quantum fieri potest, descendere debet, nec potest quiescere, donec ad punctum infimum pervenerit. Ad proprietatem illam punctis deobus convenire repugnat. Itaque si corpora quotilibet

inter se quomodocumque connexa è centro gravitatis communi suspendantur, totam corporum systema in æquilibrio manere necessum est. Hæc pauca dicta sint de centro gravitatis, non quidem pro rei dignitate, sed quantum postulare videtur harumce institutionum ratio.

APPENDIX.

De quibusdam capitinis præcedentis utilitatibus.

I.

Quod gravitatis doctrinam spectat, illius utilitas manifesta fiet ex dicendis, deinde ubi scilicet motus ex gravitate oriundos explicabimus. Interim verò observare satis sit, ex variis Philosophorum hypothesibus de causa gravitatis, et ex ipsius rei difficultate omnino evinci, in Physica sua esse, et quidem abditissima arcana, quæ nulla humani ingenii vis reserare potest. Si autem in rebus limitatis à Deo creatis insuperabiles persæpe occurrant difficultates, quod quidem à nenime sue tentatis, et ignorantia couscio negari potest, qua fronte Creatorem infinitum, et sanctissima religionis mysteria curiosius scrutari, atque penetra-re tentant superba impiissimorum hominum inge-nia, qui id omne respuant et velut à ratione alienum fastidiose traducunt, quod suo imbecilli quidem ingenio non possunt comprehendere? Itaque apud religiosos, probosque Philosophos ea semper obtinere debet præstantissima, et unica philosophandi ratio, quæ fundatur in experimentis, et observationibus; hæc verò si ad physicam, mechanicanque causam non semper nos ducat,

SECTIO I. PARS I. CAP. III.

121

ad causam infinitam, Deum conditorem, et Dominum nos certissime perducet. Hic est fructus Philosophiaæ uberrimus, naturæ majestatem proprias intueri naturæ Auctorem impensius colere, et venerari, illique soli servire. His autem pietatis, et religionis ergo præmissis, jam inter innumeras capitales præcedentis utilitates paucas seligamus.

Ad explicandos animalium motus maximè vallet præcedentis capitinis doctrina, quam quidem utilitatem satis demonstravit Joannes, Alfon-sus, Borellius in ixi-mio opere, cui titulus est: *de motibus animalium*. Pancis exemplis rem declarare satis erit. Fingatur brachium horizontaliter extensum, extremisque digitis alligatum intelligatur pondus viginti octo librarum, quod quidem onus ab homine satis robusto in hoc situ sustineri posse experientia com-pertum est. Tali pondus sustinetur vi musculi, cuius extremitas superior annexa est capiti rotundo ossis humeri; altera autem extremitas capiti rotundo ossis cubiti alligatur. Jam cubitas cum magna extensa circa centrum articulationis in osse cubiti revolvî potest; notum præterea est ex diligenteri Anatome, distantiam musculi à centro articulationis esse ad ponderis ab eodem centro distantiam, ut 1 ad 20, quarè ut habeatur momentum musculi, multiplicari debet pondus absolutum, nempè 28 librarum per 20 distantiam scilicet à centro motus, efficiturque productum 560 librarum; tanta nempè est vis musculi, ut libris 560 æqualeat, ob superandam vectis longitudinem; id verò ex demonstratis facilè intelligitur. Simili ratione ad calculum revocari possunt in alio quolibet casu muscularum vires, dummodo per Anatomen data sit distantia à centro motus, et per experientiam superata resistentia innotescat. Porro

hic obiter observanda est admirabilis plane muscularum dispositio; musculi scilicet ossibus alligantur in minori à centro motus distantia, ita ut potentiam musculi multo majorem esse oporteat. Quamvis autem animalibus orta inde videri possit aliqua virium jactura, in hac tamen structura omnipotentem Creatoris manum plane mirari debemus. Si enim potentia longius distaret à centro motus, jam ob majorem articulationis distantiam non solum deformatis, atque molesta foret muscularum, animaliumque figura; sed etiam ad motum minus idonea; suaque mole, ac crassitie animalia laborarent.

II. Ad firmitatem ædificiorum æstimandam eadem principia transferri possunt. Fingantur trahes duæ similes cylindricæ, vel prismaticæ ABDE, FGHK (fig. 9.) muro immobili IL infixa, divisæ intelligentur AB, FG æqualiter in C, M. Jam illarum pondera fingi poterunt collecta in punctis C, M centro gravitatis directe oppositis. Facilitatis ergo ponatur AB = 2FG, erit pondus trahis AB DE octuplo majus pondere trahis FGHK; sunt enim trahes illæ utpote similes in ratione triplicata laterum homologorum ex elementis Geometriæ: quarè cum pondus trahis ABDE locatum fingatur in C, sitque AC duplo major distantia FM; erit momentum totum ad rompendam trahem in punto A decies sexies majus momento trahis alterius. Jam conferantur vires. quæ trahes illas integras, muroque infixa servare conantur. Sit ARE trahis majoris sectio, et FSK minoris. Dividantur AE, et FK, æqualiter in P, et Q; erit in qualibet sectione fibrarum longi udinalium numerus, ut sunt sectiones ipsæ, ac proindè ut quadratum rectæ AE ad quadratum recte FK (ex elementis Geo-

metris) nempe ut 4, ad 1; ideoque etiam cohæsio, quæ est, ut fibrarum numerus; erit in eadem ratione; sed cohæsio illa considerari potest, ut vis resistens, cuius proindè resistentia ut haecatur momentum, hæc collecta poni debet in centro gravitatis P, et Q: ideoque cum sit AP = = 2FQ, erit in prima trabe momentum resistentia octuplo majus. At momentum vis, quæ trahem majorem in punto A rumpere, et à muro aveilere conatur, est decies sexies majus: unde evidens est, vires, quæ ad trahes rumpendas tendunt, crescere in ratione quadruplicata longitudinum, vires autem opposita, adhæsionis nempe, crescere tantum in ratione triplicata. Hinc trahes majores, servata licet partium proportione, rampuntur facilius; immo tanta esse posset illarum longitudo, ut proprio pondere fractæ necessario ruerent. Merito igitur concludit Galilæus, ædificium aliquod firmum stare posse, quod proculdubio rueret in formam justo ampliorem redactum, manente licet partium proportione; quod quidem in arte architectonica utilitate non vacat.

Ex eodem principio infert celeberrimus Author, suos esse in operibus naturæ, et artis limites, quos ultra consistere eadem opera minime valent. Ita si arbores nimio donarentur volumine, gravitate sua oppressi rami facile rumperentur. Simile ratione crassiora animalia vim non habent, quæ illorum magnitudine respondeat; atque hinc si aliqua forent terrestria animalia multo majora iis, quæ novimus, vix organicos motus exequi possent, suaque mole faticerent, perpetuisque obnoxia essent periculis. Ex hac doctrina concludere audent intemperatores quidam Critici, nullos umquam extitisse homines, qui justam, vulga-

remque hominum magnitudinem multum excederent. Nec Scriptores illos hac in re valde moratur. S. Scriptoræ auctoritas; ajunt enim nominibus Hebrewis *Nephilim*, et *Gibborim*, quæ in primigenio textu leguntur, et in *vulgata* nostra Gigantes nomine redduntur, significari etiam posse celestos homines; suisque flagitiis non minus quam stature magnitudine famosos. Quod autem refertur Deut. 3s de lecto Og, qui novem cubitos habebat longitudinis, et quatuor latitudinis, de sola lecti magnitudine idem Auctores intelligentur, eamque ferunt apud orientales populos consuetudinem, ut amplissimos lectos ad pompam ornarent, et in tali ornamento fastum collocarent. Verum quidquid sit de hebraicorum nominum ambiguitate, eam omnino dirimit vulgatae versionis, et 70 Interpretam auctoritas, nullumque dubitandi locum reliquit Gigantis Goliath altitudo, quælib. 1. Reg. describitur: *sex cubitorum, et palmi.* Itaque ex dictis hoc unum colligere licet, præter consuetas naturæ leges conformatos fuisse enormes Gigantes, et singulare virium proportione donatos, quod quidem exemplo suo confirmant aliqui inusitatæ staturæ homines, qui his nostris temporibus per urbēs vagantur, suæque magnitudinis beneficio victum queritant. Tales autem homines, si cum antiquis Gigantibus conserantur, velut navi, et pumilioes haberi debent, sua tamen magnitudine quasi opprime, et laborare observantur. Necessaria ergo fuit antiquis Gigantibus insolita, et præternaturæ humanæ ordinem virium proportio; præsertim si verum sit, quod de Gigantibus illis legitur, aliquos scilicet longe ultra vulgarem hominum statem, et per multa sœcula vixisse. Idem dīcendum de Gigantibus, quos etiamnum hodie mag-

no numero extare narrant viatores nonnulli, quibus tamen facilius, et nisi dicto fides constituit, credendum non est.

Fornicum stabilitas ex centri gravitatis doctrina omnino pendet. Rem leviter attingam. Intelligatur fornicis arcus ex diversis constans lapidum segmentis, cuneorum instar dispositis et ad arcus centram tendentibus. Lapis arcus superior, qui fornicis conclusiva, seu clavis appellari solet, perpendicularis est ad horizontem, atque hinc et inde contiguis lapidibus sustinetur. Ductæ concipiuntur verticales per singula gravitatis centra in singularis lapidum segmentis. Jam lapis superior lapidibus contiguis veluti planis inclinati incumbit, ac proinde tota vi gravitatis non tendit ad descensum, sed aliqua tantum gravitatis parte, quæ eo major est, quo minus inclinata sunt contigua lapidum plana: quarè si planorum inclinatio fingatur infinite parva, hoc est, si lapidum segmenta forent ad horizontem perpendicularia non secus ac fornicis clavis, jam clavis tota vi gravitatis ad descensum tenderet, et re ipsa descenderet, nisi arenato, et calce retineretur, atque hinc minus tui sunt, et facile ruinosi fornicis plani: sed accuratos fornices consideremus. Clavis intra contiguos lapides constricta per lineam verticalem ad descensum tendit; hunc vero conatum exercere non potest, nisi hinc et inde premet contigua lapidum segmenta, eaque conetur repellere. Hæc autem clavis actio in lapidem contiguum exhibetur per rectam ex centro gravitatis clavis perpendiculariter ductam ad lapidis contingi superficiem. Patet autem ex virium compositione, et resolutione, hanc lineam esse diagonalem parallelogrammi, cuius latera duo sunt vis perpendicularia.

ris, qua clavis tendit ad descensum, et vis horizontalis, qua clavis tendit ad removendum lapidem contignum. Secundum illud lapidis segmentum vi clavis per diagonalem praedictam impulsam, urgetur quoque vi gravitatis ad horizontem perpendiculari, atque hinc resultat vis alia composita, qua urgetur lapis aliis contiguus, atque ita deinceps ad ultimum usque lapidem fornicis fulero insistentem. Jam verò ea esse debet singularum fornicis partium structura, atque sectio; ut lapides singuli à fornicis clavi ad fulcrum vim compositam exerceant, ad horizontem per gradus minus ac minus inclinatum; atque ita vis tota in ipsum fulcrum, serè perpendiculariter dirigatur. Superest jam, ut vim horizontalem, ipsiusque fuleri resistentiam consideremus. Totum dimidii fornicis pondus collectum fingatur in centro gravitatis, ex quo ad superiorem lapidis ultimi superficiem duxta intelligatur perpendicularis, secundum hanc directionem dumtaxat dimidiis fornicis in ultimum fornicis segmentum agere potest. Hæc autem vis ad fulcrum debet referri, et in duas vires dividì, verticalem unam, horizontalem alteram. Vis ad fulcrum perpendicularis fulcrum ipsum magis præmit, atque confirmat, vis autem horizontalis ad fulcrum evertendum tendit. At fulcrum totam gravitatem huic conatu opponit; hec autem gravitas agit per lineam verticalem è centro gravitatis ductam ad basim ipsius fulcri. Itaque in estimandis fornicum viribus due considerandæ sunt actiones contrariae, prima horizontalis, qua fornicis ad fulcrum subvertendum tendit, perpendicularis altera, nempè fulcri resistentia. Tandem duæ illæ actiones ad centrum motus in ipsa basi referendæ sunt; atque eo majus est virium illarum

momentum quo major est à centro motus distantia; tota ergo hoc reducitur fornicis stabilitas, ut nempè dimidii fornicis actio horizontalis fulcri resistentia major non sit. Hæc sunt utilissimæ doctrinæ elementa, quæ ad calculum facile revocabunt Geometræ, nobis autem satis sit rem generaliter indicasse.

III. Ad principia in præcedenti capite explicata pertinet horologiorum rotis instructorum motus, sed utilitas melius intelligitur deinceps, demonstrata scilicet pendulorum doctrina, unicum aliud utilitatis exemplum afferemus. Nemo non videt in portatilibus horologiis machinulae conicam, quam catenula amplectitur. Hujus figuræ ratio ut intelligatur, observandum est desinente horologii motu, catenulam cylindrico horologii tympano totam circumPLICARI; si autem horologio motus restituatur, catenula è tympano ad conicam machinulam transire debet. Id verò fieri non potest, nisi tympanum convertatur; totque revolutiones perficiat, quot gyris catenula ipsa tympano convolvitor. Præterea talis est in tympano partium structura, ut eo per vices revoluto, magis ac magis tendatur lamella elastica in tympano conclusa. His præmissis evidens est, majorem tunc haberi lamellæ elasticæ tensionem, ac proinde et majorem vim, dum catenula tota conicæ machinula circumponitur; hæc autem tensio per gradus decrescit, dum machinula revolvitur, ac tandem vis fit omnium minima, dum gyros serè omnes catenula absolvit, et puncto ultimo proxima est. Itaque patet, ex illa vis metricis inæqualitate futurum esse, ut perpetuæ variationi obnoxius sit rotarum motus, nisi figura conica paratum fuisset huic incommodo remedium. Igitur ad corrigendam motus

inæqualitatem efficiendum erat, ut majore existente vi motrice minor foret distantia à centro motus, ideoque et minor machinula diameter, et contra; oportet nempe, ut in machinula puncto quolibet productum ex vi tensionis in distantiam à centro motus sit constans semper et æquale; hoc enim artificio fit, ut vis motrix eadem perpetuo maneat, atque uniformiter ferè moveantur rotæ, non secus ac facerent appenso aliquo constanti pondere. Cum ergo demonstrata principia accuratam nobis suppeditent temporis mensuram, hauc quoque utilitatem inter innumeræ alias commendare volamus. Problema est apud Geometras notissimum: invenire curvam, cuius revolutione genitum solidum quæsitam præberet in horologis motus æqualitatem, ex qua proinde curva formari deberet prædicta machinula. Verum res est sublimioris indaginis, atque motus uniformitatem, convenientemque figuram repetitis experimentis accuratissime invenient peritiores horologiorum artifices; talis figuræ rationem exposuisse satis sit.

SECTIO SECUNDA.

*De reliquis universalibus corporum proprietatibus
ex virium notione derivandis.*

CAPUT I.

De motu genere, variisque illius speciebus.

Ex ipsa virium notione derivari mobilitatem et quiescibilitatem, evidens est; motus enim est; virium effectus, et seclusa vi qualibet impressa, corpus semel quiescens perpetuo quiesceret. Amplissimum quidem patet hujus capitinis argumentum; sed præcipuas dumtaxat motuum species expendemus. Et 1. quidem de motu generatim paucis præmissis, ad motum rectilineum, et deinde ad curvilineum progrediemur, illas autem dumtaxat motuum leges explicabimus, quæ in rerum natura maxime obtinent, prætermisis variis motuum variabilium pro arbitrio confictis hypothesibus; tandem corporis solitarii motu considerato, diversos corporum motus inter se comparabimus, et conflictum regulas demonstrabimus.